



Шормо эл, порымлык да рин бер!


30-шо (3366) №,
2018 ий 28 июль,
шуматкече.

ЯМДЕ ЛИЙ

1933 ий 1 февраль годсек лектеш.

0+

КЕЛШЫМАШЫН ВИЙЖЫМ ШИЖ, ЙОЛТАШ!



Фотол. лагерьын архивше гыч налме.



«Тый да мый финн-угор улына,
Ик еш гае илена.
Тора корно ойыра мемнам,
А вашлийме жапым
Огына мондо нигунам».

Тыгай муро
2-шо номеран Шернур
школышто эр еда торашке
йонга. Тыште 24 гыч 29 июль марте

Финн-угор лагерь
1991 ий гыч
эртаралтеш.

«Тыныслыкыште да келшымаште илаш тунемына!» финн-угор лагерь эрта. Түрлө кундем гыч йоча-влакым пырля чумыраш «Эр вий» СДПО-н чолга енге Анастасия Березина полшен. Тудын проектше Всероссийский конкурсышто сенышыш лектын.

Тений лагерь этнографий экспедиций сынан, финн-угор тунян поянлыкше дене палымым ышта. Шернур йоча усталык пörтын туныктышыжо-влак А.И.Глазырина калык йўла, краеведений, этнографий нерген каласкала, а кидмастар В.П.Алгаев пу гыч түрлө ўзгарым ышташ туныкта. Марий түрлызö Л.В.Веткина марий вургемын ойыртемже да моторлыкшо дене палдара. Памашола тўвыра рўдерын «Памаш» фольклор ансамбльжым вуйлатыше-влак П.В.Токтаров ден Е.А.Березина фольклор тўням шымлаш кумыландат. Психологий науко кандидат, этнопсихолог Н.Г.Айварован тренингше кажне йочан кумылжым савырен да чон почын мутланаш таратен. Ёдыр-рвезе-влак икте-весе кокласе вашкыл, келшымаш темым тарватеныт. Вет лагерьын тўн ўжмашыже лач тыгай!

Л.ГРИГОРЬЕВА.

Лагерь илыш нерген вес номерыште лудса.



**Полина
АНДРЕЕВА
(Пошкырт
кундем):**

– «Ямде лий» газетын эртарыме «Марий Юнкор» с л ё т ы н кышаже чонышто гына кодын манаш огеш лий. Тудо илышем вашталтен. Йошкар-Олашке

тунемаш толынам, пуйто ала-мо чонем шупшын. Марий Элыште шўм пелашым вашлийынам. Тыште слётышто пырля лийше ўдыр-рвезе-влакым шукуштым ужынам. Кугуракше-влак пе-лештат, изиракше-влак огыт пале. Но соцсетьлаште илышыштым эре эскерен шогем.

«Ямде лий» газетлан – 85 ий!

«Ямде лий» газетым
Мый эре налам.
Кажне лаштыклажым
Куанен лудам.

Анастасия
ЯКОВЛЕВА.
Морко,
Коркатово.



Поэтым шарнена



Книгагудо пелен тений краевед лукым почмо.

19 июль-ышто Морко районусо Тыгыде Морко книгагудышто тиде ялын эргыже В.Мухин-Савин шочмыжлан 130 ий темме лумеш йыргешке үстел эртен. Книгагудо вуйлатыше йоча-влаклан

В.А.Савин илыш корныж нерген келгын каласкален. Клуб пашаен дене пырля почеламут корнылажым шерын лектынна.
Л.ГАВРИЛОВА.

• Паша йолагай деч вожылеш.
• Пашачын кидешыже күртньо шула.
Калыкмут.

Паша пукша

Советский районусо Кукмарий малокомплектный школ пелен опытым эртарыме пакча верланен. Школ пашаен-влак дене пырля тунемше, спонсор-влак да ял калык, чылан иквеш ушнен, түрлө пакчасаскам ончен куштена. Паша куштылгыжак манын ойлаш ок лий, но тыршен ыштет гын, сомылжат ушна, емыж-саскажат, вожсаскажат умен кушкыт. Йоча-влак, толза мемнан школышко тунемаш – теат тўшкашкына ушнеда.

Т.Н.РЯБИНИНА,
кўшыл категори-
ян туныктышо.



Сенгымаш

Йошкар-Оласе «ЗУМ» киностудий «Поле семейных побед» всероссийский конкурсышто сенгышыш лектын. Анна Разгулина, Даниил Видякин, Василий Сараев Шернур район гыч шуко шочшан Шабдаровмыт еш нерген кином сниматленыт.

Увер

27 июль-ышто «Паллада» парус клубын вич юнгыжо Козьмодемьянск гыч Китай ден Южный Корейыш практикыш тарвана. Нуно Япон да Жёлтый тенызла гоч ийын эртат. Марий Элысе «Юнармийын» знамяжым нангаят. Вуйлатышышт – Александр Деманов.

29 июль – Военно-Морской флотын кечыже

Куан пагыт

Уремыште – кенез! Куанже мыняре! Пасушто түрлө пеледыш пеледалтын, олыкышто снеге ден мөрө тамле пушым йырым-йыр шарат. «Погыза мемнам, погыза. Тамле вареным шолтыза!» – пуйто маныт. Чодыраште юж яндар, шўлаш ласка. Ошкылат, ошкылат да курезым, ошпонгым, рыжикым да моло понгым муат. А кузе нуно тамлын ўпшалтыт! Аралыза пўртўсым, чаманыза! Тудо мемнам пукша, йўкта да шуко пайдам пуа.



Катя РАССАНОВА.

Морко, Коркатово.

2017 ий дене тавастарымаште тений пожар 3,7 %-лан шукырак лийын.

Подводник кочам

Кочам Владимир Ильич Григорьев Провой кундемсе Поянсола ялеш шочын. Школым тунемын пытарымек, военный училищыш тунемаш пурен. Мичман званийым налмек, Мўндыр Эрвелне стажировкым эртен, а вара вўд йымалсе атомный кораблыште служитлаш тўналын. Володя кочам шуко гана мўндыр походышто лийын: Гренландский, Норвежский, Баренцево тенызлаште, Атлантикыште да Новая Земля кундемыште. Сайын служительмыжлан кочамын шуко наградыже уло, но эн шергылан тудо подводник улмыж нерген свидетельствым шотла.

Валерия АРСАЕВА.

Марий Турек школ.

Тўшто: кува кур-жеш, куп лўнгалтеш.

У тунем-ме ийыште Марий кугыжаныш университет пелен школлаште да вузлаште тунемше 150 ўдыр-рвезылан Сергей Карякинын Шахмат школжо почылтеш. Кўмылан-влакым вучат.

Кавун пеледыш чумырген шога – йўрлан.

«Калыксий» фестиваль (вуйлатыше – Наталья Васильевна Пушкина) национальный кыл сферыште Всероссийский курсышто сенген. Саламлена!

Айдемылан кечыште 7500 мкг наре аскорбин кислота кўлеш.



МАРИЙ МУТЧО



ПЕКШЕЕВА
Эльвира Ивановна,
филологий шанче кандидат

Шочмо вер: Кужэнер район, Пургак ял.

Шочмо кече: 1977 ий 24 апрель.

Тунемме вер: Тошто Йӱледӱр тӱналгыш школ (1984–1986 ийла).

Йӱледӱр кыдалаш школ (1987–1994 ийла).

Марий кугыжаныш университет, историй да филологий факультет, марий-англичан пӧлка (1997–2002 ийла). Марий кугыжаныш университетын марий йылме кафедрыве пеленысе аспирантур (2003–2006 ийла).

Диссертаций теме: «Марий йылмыште кол лӱм да кол кучымо дене кылдалтше мутвундо». Вуйлатыше – профессор И.Г.Иванов. 2012 ийыште аралалтын.

Паша корно: 2002 ий гыч тачысе кече марте – МарНИИЯЛИ-н кугурак шанче пашаенже.

Шымлыме паша: 30 утла шанче пашан авторжо.

Чаплӱм: Марий Эл Республикасысе Кугыжаныш Погынын Чапкагазше (2015 ий).

- Те марий йылмышанчыште кол дене кылдалтше лексикым, семантикым, этимологийым, мут ышталташым келгын шымленда. Икымше улыда манына гынат, йонгылыш огына лий. Молан тыгай ойыртемалтше темым ойыренда?

- Шанче пашан темыжым ятыр жап шонен коштмо. Профессор Иван Григорьевич Иванов дене «Чын марий мутвундо» («Собственно марийская лексика») манын лӱмденна ыле. Ик ий тидын дене пашам ыштышна. Вара тӱрлӧ амаллан кӧра мыйым профессор Иван Степанович Галкин дек кусарышт. Лач тудын ойжо почеш ихтионим-влакым да кол кучымо дене кылдалтше мутвундым шымлаш тӱнгалым. А ик ий гыч угыч Иван Григорьевич дене умбакыже пашам ышташ пиал шыргыжал. Тыге шанче пашам ош тӱням ужын шуктыш.

- Кол-влакым шымлаш, очыни, зоологийым сайын палыман.

- Мый кол-влакым утларакше йылме могырым шымленам, зоологийже кол-влакын соматизмыштым лончылымо годым гына кӱлеш лийын. Пашаштына айдеме капкыл деч ойыртемалтше соматизм-влакым веле лончылымо.

- Мо дене тендам марий йылме сымыстарен?

- Школышто тунеммем годым йылмызе лиям манын нигунам шонен омыл. Утларакшым спорт деке кумылан лийынам да моткоч мураш йӧратенам. Илышем сцене дене кылдаш шонымаш лийын. Иктаж шымше-кандашымше класслаште марий йылме ден сылнымутым туныктышо, вараже школ директор лиймекежат, Кузьма Васильевич Градобаев изирак сценке-влакым шында ыле, мыят тушто модынам. Ме кружокыш коштынна, тудо тыге чаплын почеламутым але иктаж изирак ойлымашым лудын пуа ыле, чылт артист. Меат тудын деч артист да туныктышо лияш тунемынна.

- Кызыт могай пашам шуктеда? Мом лончыледа?

- Кызыт мый марий йылмыште мӱкш ончымо да сонар паша дене кылдалтше мутвундым шымлем.

Х.АЛЕКСАНДРОВА мутланен.

Шке йылмыда и
йӧратыза, тугын
илышыште вержыи
улылаш тыршыза.
Кеч тӱрлӧше изи
калыклар шотла-
тына гынат, мей-
нан тӱвырача пеш
нояр. Шлыш пеш
виан кая, чылажы-
лат шке жапыште
улылылаш да
ыштылаш.

Кажне икшыве мультфильмым ончаш йората. Тачысе кечын могай гына мультфильм уке! Но марий мультфильм моткоч шагал. Провой кундемысе «Шонанпыл» йочасадыште марий йылмым туныктышо **Алевтина Валерьевна ВАСИЛЬЕВА** тиде экшыкым корандаш шонен пыштен.

тилин гыч герой-влакым ыштышна. Вара «Весела кок комбо» мурым тунем-



«Кок комбо» марий мультфильм

– Марий мультфильмым войзаш шонемаш кунам шочын?

– Кок ий ончыч ме «Союзмультфильм. Порылык туняш корно» изи музейым чумырышна. Экспонат-влакым погаш йочасадыш коштышо йоча-влакын ача-аваштат полшышт. Нуно тюрлө книгаг, чиялтышым, модышым кондышт. Йоча-влак дене пырля ме «Союзмультфильм» студийын мультфильмже-влакым ончышна. Ик кечын марий мультфильмым войзаш шонемаш лекте да тиде пашаш кугурак ийготан йоча-влакым ушышна.

– Молан «Весела кок комбо» йомакым налын-да?



– Тиде йомакым чыланат онченит, рушла муржым кажне йоча пала, садлан тиде изи сюжетым ойырен нална. Шке пашанам декораций гыч тунгална: йоча-влак дене пырля суретлышна, плас-

на. Йоча-влаклан тиде муро келша, марий мут-влакым вашке ушыкышт пыштышт. Мультфильм лекше манын, шуко фотосуретым ышташ перныш. Герой-влакын кажне ошкылыштым посна фотографий дене лукна. Вара «Киностудий» программыште кельштарышна.

– Мультфильмым войзымо годым могай нелылык дене тукненда?

– Нелылыкше лийынат огыл манаш лиеш. Мо пашалан кўлын, йочасадыштына чыла уло: фотоаппарат, штатив, компьютер. Мурым марла шомакшым интернетыште муын улына.

– Йоча-влак йочасадыште марий йылмым уло кумылын тунемат?

– Йочасадыштына ньога-влак марий йылмым изирак ийготан кокымшо группо гыч тунемаш тунгалыт. Нуно занятийш уло кумылын коштыт. Йоча-влак дене пырля марий мурым, почеламутым, модыш-влакым тунемына, пайрем-влакым эртарена, йомакымат шындена.

Х.АЛЕКСАНДРОВА.

Ушан ой

Йоча дене эн ончыч шке шочмо йылмыж дене мутланыман...

М.Шкетан.

#мыйыноемденекелшет?

Те М.Шкетан лўмеш Марий национальный драме театрын артистше улыда. Тендан шонемаште, театр полшымо дене йоча-влакым марий йылме дек шўмандаш лиеш мо? Але могай вес йўным темледа?

Светлана СТРОГАНОВА, Марий Эл Республикын калык артистше, муризо:

– Мый тыге шонем: йылме эн ондак ешыште аралалташ. Ме шукинжо, поснак интеллигенций, марий йылмым аралыме нерген кутырена. Кугыжанышым шылталена, марий йылмым аралымаште шагал пашам ыштат манына. Икманаш, эре ала-могай «чўчў» титакан. А шке икшывына-влак дене рушла мутланена. Ешыште йылмым аклаш, йораташ, палаш огына туныкто гын, ни школ, ни театр нимом ыштен огыт керт. Пеш шагал марий енын, интеллигенций кокла гычат, икшывышт марла кутыра. Эн кугу йонгылышыжо теве тыште. Театр марий калык дене кугешнаш туныктышаш. Кугешнет гын, йылмымат тунемаш, йўламат аралаш кумыл лектеш.



Мут поянлык

Кужу кид але кужу кидан –



еныным йышт налмаш (шолыштмаш).



Кид-йол голеш – кеч-могай пашам ыштен моштымаш.

(Ф.Т.Грачеван «Марий фразеологий мутер» книгаже почеш.)

Шочмо йылме – мемнан илышна. Тудо мемнам пашалан, порылыклан туныкта. Илыш вийым шочмо йылме деч налына.

Кристина ЗОРИНА.

Шочмо йылме илышыште тўн лийшаш. Тудо ава гыак икте гына. Садлан шочмо йылмым мондыман огыл.

Диана

АЛЕКСАНДРОВА.

Морко, Эгерсола.



Вич ияш Валерия Козлова (**снимкыште**) сценыште шкенжым чылт изи артист гай куча. В.Осиповын «Чоя шошо» мурыжым туге сылнын йонгалтарыш, ончышо-влак совым руж кырен, «Молодец!» манын кычкырен вашлийыч. Шүшпык гай йүкан изи ўдырын усталыкшым «Пеледше тукым» республикысе конкурсышто, «Изи мөр пеледыш» республикысе йоча пайремыште куанен эскерыштым. Валерия Йошкар-Оласе 18-ше номеран йочасадыш коштеш.



Авторын фотожо.

Шүшпык гай йүкан

Оласе мари йоча

- Тыге сылнын мураш кө тыйым туныктен? - йодам курчак гай изи ўдыр деч.

- Йочасадыште музык вуйлатыше Эльвира Романовна Шамтиева. Йоча да самырык-влак усталык полатысе «Звукоград» студийыш коштам.

- Мари йылмыжым сайын палет?

- Уке, мемнан ешыште нигө мутланен ок мошто. Туге гынат, мари мурым куштылгын да писын тунемам.

- Ала тый буквачат чыла палет?

- Пале-е-ем. Лудынат моштем. Арсений шольымлан йомакым лудам. Тудланат буква-влакым туныктем.

Валерия шкеже пачката веле гынат, портфолиожо койын күжгемеш. «Музыкальная капель», «Рождественские звездочки», «Пеледше тукым» да шуко моло конкурсышто икымше верым сенен налын.



Л.ГРИГОРЬЕВА.

Марий улына

Кызыт мари яллашат йоча-влак рушла кутырат. А ме Эшполдино ялыште йолташ-влак дене марла мутланена. Мари калыкын модышыжымат шарналтена. Изи Лизук шужарем дене марла ойлена, весела мари мурым мурена. Надя акана Йошкар-Олаште мари йылме дене туныктышлан тунемеш. Тудо мемнам шуманден шога, марла книга лудаш тарата, почеламут-влакым туныкта.

Олеся ВОЙКИНА.

Шернур район.



Йылме - тукымын курылаш пашаже.

Марлашке кусарыза

1. Ягнёнок.
2. Парта.
3. Половина.
4. Счастье.
5. Забор.
6. Стрела.
7. Добрый.
8. Богатый.
9. Иней.
10. Гвоздь.



Ольга СТЕПАНОВА.
Морко, Шап Унчо.

Корныш лектат гын, рушым «земляк», татарым «изай», чувашым «родо» ман.

Калыкмут.

Шочмо йылме

Мемнан районышто ме шагал чотан калык улына. Теве пошкудо ялыште мари школым петырышат, йоча-влак вес ял школышко кошташ тўналыч, а тушто рушла программе почеш туныктат. Ача-ава-влак мари йылмым туныкташ огыл манын кутырен келшенят. Шочмо йылметым келгын палет гын веле илышет куштылемеш.

Карина ВАЛТИЕВА.

Пошкырт, Илиш, Базитамак.

Кумылым савырыше газет

- Ой, тыгай мотор газетым мый икымше гана ужам! Мыланемат пуыза! - Морко район Арын школышто йоча-влак дене вашлийын мутланеме годым изирак капан рвезе воктекем лишемын йодо. Тиде 2-шо классым тунемын пытарыше Марат Соловьёв (**снимкыште**). - Ондак рушла веле мутланенам. Муналмаш ялыш илаш куснымеке, мари йылмым тунемынам. Мылам тиде йылме пеш келша.

- Тугеже «Ямде лий» газет тыйын ўстембал книгат гай лийшаш. Тыште лудаш, йылмым лывырташ келшыше почеламут, мыскара, ойлымаш-влакым савыктена, - ойлем изи рвезылан. Марат йоча газетым ава-ачажлан, Аделина шужаржылан, Сева ден Радомир шольыжо-влаклан ончыкташ сoryш.

Л.НИКОЛАЕВА.



Авторын фотожо.

85

Кычкенат, кудалыштынат ончышна

«Н.С.Мухинын корныж дене» кружокна пашажым иктешлыш. Л.А.Сошины вуйлатымыж почеш, сылне пүртүсым ончен, строй дене Олыкъял могырышкыла ошкылна. Миен шумек, ик пөрт тура чарнен шогална. «Имным кычкаш тунемына, вара орваш шинчын кудалыштынат ончена», – куандарыш Лев Александрович.

Имне оза Анатолий Васильевич Петров, тўналтыш гыч мучаш марте чыла умылтарен, имныжым торта коклаш верандыш. Кычкыме ўзгар-влакымат, радамжымат пален нална. Орвашке шинчын, Олыкъял урем дене кудална. Мыят сапым кучен ончышым – имне колыштеш. Озалан таум ыштен, музей-пөртышкө пөртылна.

Денис ФЁДОРОВ.

Морко, Купсола.



Йўлана илана

Айста лудына

Изи улам

Андрюша лўман рвезе пеш чоя. Шкеже чыла ыштен мошта, но өркана. «Изи улам», – манеш.

– Андрюша, шўргет мушкаш кай! – тудлан аваже ойла.

– Мый ом мошто, эше изи улам! – вашешта эрге.

– Теве тыланет шўр,

коч.
– Совла дене пукшо! Мый изи улам, – нюслен-нюслен Андрюшка ойла.

– Чий. Модаш каена! – манеш аваже.

– Уке, тый мыйым чикте. Мый изи улам, – Андрюша ойла.

Ик эрдене Андрюша уремыш лекте. Йоча-влак кокла гыч иктат уке, да рвезылан йокрок лие. Онча: Ваня ден аваже толыт.

– Салам! Айда пырля модына! – Андрюшка кычкыралеш.

– Мемнан жапна уке. Ме йочасадышке вашкена, – вашешта Ваня аваже.

– Тушто онгай! Ме мурена, кочкына, пашамат ыштена! – Ваня моктана.

Андрей мөнгыжө тольо да ойла:

– Мый йочасадыш кайынем!



– Тыйым тушко огыт нал. Тый нимом ыштен от мошто. Тый эше изи улат, – умылтара аваже.

Вес кечын Андрюша шкеак мушкылто, пўйым эрыктыш, чиен шогале.

– Ончо, авай, мый кугу улам! Мый ынде чыла шке ышташ тўналам.

Аваже шыргыжале, эргыжым мокталтыш. Тыге Андрюша йоча-садыш логале.

Миша
АЛЕКСАНДРОВ.
Морко, Коркатово.

У мут Ававуй
– основатель
И.Г.Ивановын
«Мутвундынам пойдарена» книга гыч налме.



Книгам мынар
лаштыкан
улмыж дене
огыл, а чонеш
могай кышам коды-
мыж дене аклат.

Марий улмыж дене кугешнышаш

Кызытсе жапыште самырык тукум шке шочмо марий йылмыжым мондаш тўналын. Шонат, пуйто марий йылме урокышто гына марла мутланыман. А вет марий йылмына мыланна эн тўн лийшаш. Вес йылме дене кутырышо калыкат шочмо йылмыжым эн моторлан шотлышаш. Мый, кугу лиймешкемат, марий улмем дечын вожылаш ом шоно. Айдеме шке шочмо йылмыж дене воза,

Керек-кушто умбалне лиймет годым марий йылметым шоналтетат, чонлан сайын чучын колта. Вет кечкунамат шочмо йылме эн чапле да пагалыме.

лудеш. Шочмо йылмыжын чонлан шерге улмыжым тора кундемыште веле шижеш.

Леонид АНДРЕЕВ.
Морко,
Шўргыял.





0+
«ДРУЖБА»
СТАДИОНЫШТО

4 август
15:00

13 МАРИЙ ЭЛ РАДИОЛАН

КЕНГЕЖЫМСЕ КУГУ КОНЦЕРТ

ЯТЫР МУРЫЗО
«МАРИЙ ЭЛ РАДИО»
ВУДЫШКО
ПОЛЕКВЛАК
БИЛЕТ-ВЛАК
• URL: <http://radio.vep.mari-el.ru>
• СЕНГЫМАШЫН XXX ИДЛЫКШЕ
ЛУМЕШ ТУВЫРА ПОЛАТЫШТЕ
• ШАРКАЛШЕ-ВЛАК ДЕНЕ:
ТЕЛЕФОН: (8362) 63-00-24, 63-03-61



Йошкар-Ола, 2018 г.



Мальвина
ИВАНОВА
(Волжский,
Упыл Азъял).

Энж иммунный системым, уш-акылым виангда. ОРЗ

Лиана ден Диана Семёновамыт, (Марий Турек, Арбор) да Йошкар-Олагыч унала толшо Богдан Семёнов.

годымат энж чайым йўаш кўштат: температурым волта, вуй корштым чара. Ик кормыж энж ик суткалан ситыше вийым ешара, кумыл нўлтшў лиеш. Сандене, йоча-влак, свежа саскам кочса. Телылан вареным, компотым ямдылыза, кошташат лиеш. Коштым энж эн пайдале.

Ача-ава-влак йоча деч посна йолчиемым налме деч ончыч икшывын йолгопажым висат.

Чын висаш манын, тебе кузе ыштыман:

- Кагаз лаштыкыш шогалташ. Йолгопа пижын шогышаш, а парня-влакым туртыктыман огыл.
- Кок йолгопа йыр карандаш дене кораш. Карандашым тура кучыман.

• Сантиметран ленте дене йолтаган гыч кугу парня марте кужытым висыман. Тиде йолгопан кужытшо лиеш.

✗ Йўран да тале мардежан игечыште йўштылаш ида пуру.

✗ Тале йогын вўд ваштареш ияш ида тўчў. Тыгай годым вўд йогымо почеш сер деке ийын лекман.

Мўкшиге

Олым шляпадан тўсшў каен? Шинчалан вўдеш щёткым нўртыза да вуйчиемдам эрыктыза. Шўрт-ныла йылгыжаш тўналеш.



Пеледышым йўратена

Окнаштына фиалке, герань, колокольчик-влак кужыт. Могай гына тўсан уке улыт. Ончен шерем ок тем: нарынче, йошкарге, ошо, канде, сирень тўсан. Кажне эрдене помыжалтам, нунын пеледыштым куанен ончем. Ава-лан эскераш полшем: вўдым оптем, пуракым ўштам, кошкаш тўналше лышташым корандем. Вес гана шке ешем лиеш гын, мяят суртыштем мини-садым ыштем.

Олеся
ВОЙКИНА.
Шернур,
Эшполдино.




Аня ЯКОВЛЕВАН
сўретше.
Волжский, Сотнур.



29 июль - Тигрын тўнямбал кечыже

Тиде кечын тўрлў мероприятий, акций эртаралтыт. Амурский тигрым Российын йошкар книгашкыже пуртымо. 100 ий жапыште тигр тўнямбалне 25 пачаш шагалемын. Тўнямбалсе чумыр чот гыч Российыште 95% але 400-500 амурский тигр ила.

В.СМИРНОВ.



КОНКУРС!



Артём АНДРЕЕВ.
Шернур, Куэр.

Ик шырпым верже дене ваш-талтымек, чын вашмут лектеш.



Карина ГРИГОРЬЕВА.
Морко, Элекэнгер.

«Икымше транспорт»



Иван Николаевич СМIRНОВ.
Параньга, Элпанур.

Вольык комплекс вокте-нысе левашыш 150 тонн шудым оптым. Эше 220 тонн шудо каваныште уло, 280 тонн силос ямде. Вольыкклан пукташ мыняр тонн кочкышым ямдылме?

ТУШТО

Шем ушкал кечым ӧрген сетен.





Урлан понго деке миен шуаш полшыза.



Алфавит

– Молодец, палет чыла.
Ынде «Гэ»-шке куснена.
Возалтеш «Э» деч посна.
– Гармонь, – мане Борисна.
– Шуна теве «Дэ» декат.
«Э» деч посна возалтеш.
Палем мутым «Д»-ланат:
Даша – мыйын шўжарем.
С.БЕССОНОВА.

Нине сўрет-влакым кучылтын, онгай янлык-влакым шонен лук.



Шўжар-шольо-влак дене школлан ямдылалтса, яра онгылашке знак-влакым шындедылза.

К	Е	Ш	Ы	Р	Ш	П	Т	Н	Ш	Е	Н
П	О	К	К	Л	О	Р	Ы	У	О	М	Р
И	М	О	У	В	М	А	Е	П	П	Ш	Е
Д	О	В	Н	Р	Л	Ш	Н	Ж	Т	У	Д
Ш	Р	Ы	В	Е	О	Н	П	Ы	Ы	Ч	Н
О	Г	Ш	Е	С	Н	В	У	Н	Р	О	С
А	Н	Т	Ч	Е	О	К	Н	Э	У	К	К
К	Н	А	Р	Е	Е	Р	Ш	О	Ш	Н	Е
Р	Я	П	А	Н	Г	Ы	Т	П	Н	Е	Н

Таблицыште пакчасаска да емыж лўм-влакым кычал муза.

Кристина ден Миша РЯБЧИКОВМЫТ.
Советский, Ёшнўр.

Индекс: Марий Элыште, Пошкырт ден Татарстан кундемлаште - П4696.
Тираж 1150 экз. Заказ 1255.
Формат – А-4-8.
Директор-тўн редактор Л.В.СЕМЕНОВА.

E-mail: yamde_lji@mari-el.ru,
yamde_lji@mail.ru
Сайтын адресше: yamde-lji.pro,
Тел. 8(8362) 45-22-82(факс)

УЧРЕДИТЕЛЬ-ВЛАК: Марий Эл Республикысе культу, печать да калык-влакын пашашт шотышто министерстве, «Ямделий» газет» кугижаныш унитарный казна предприятий.

Газетым редакцийште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийн адресше: 424006, Йошкар-Ола, Строитель урем, 95.

Газетым Массовый коммуникаций сферыште да культур наследийым аралымаште законодательством шуктен шогным эскерыше Федеральный службыв Приволжский федеральный округысо управленийыштыже регистрироватлыме. Номер – ПИ №ФС 18-1999, 2005 ий 10 февральыште пуымо.

Газетым Печать да массовый коммуникаций шотышто Федерал агентствын окса полишыж дене луко.

0+

Печатьыш пуымо жап – 14-00, фактически – 13-00

Авторын да редакцийн шонмашышт тўрлў лийын кертыт. Серыш-влак мўнгеш огыт колталт. Ак – кутырен келшыме почеш.

Редакцийн да издательнын адресше: 424006, Йошкар-Ола, СССР Вооружённый Вийын 70-ше идалькыше урем, 20 (почтовый) Энерўмбал Амстердам, 1 (фактический).